

409

AD QVODLIBETARIAM.
QVAESTIO MEDICA MATVTINIS DISPUTATIONIBVS DISCV-
TIENDA IN SCHOLIS MEDICORVM PARISIENSIVM DIE IOVIS X. DECEMBRIS
MAGISTRO IOHANNE BEAVCHESNES DOCTORE MEDICO, MODERATORE SAPIENTISSIMO.

An Apoplexia senex quam iuuenis opportunior?

CEREBRVM rationalis animæ domicilium, nullo sensu præditum, sensus tamen motusque principium, vt omnium corporis partium est frigidissimum & humidissimum, ita frigidis & humidis affectibus est maxime opportunum, inter quos apoplexia sensum & motum vniuerso corpori adimens, & actiones principes offendens, affectus citra febrim vehementia, periculi magnitudine, & curandi difficultate facile excellit. Nam eruptione præcipiti, omnem sinuum anfractum obsidens, totamque molem copia grauens, eliso animali spiritu, & effæto natiuo calore, grauius reliquis respirationem labefactat: pro cuius prohibita vario gradu, & symptomatum lyndrome, multiplex vehementis & debilis species diuersumque discrimen emergit.

QUONIAM generis habet suæ generationis causas; omnimoda quippe vetriculorum cerebri, & *καρτίδων* obstructione & adstrictione inuadit. Ad diathesim inducendo morbo idoneam plurimum conferunt rigens bruma, assiduus imber, casus, ictus, contusio, cibi ingurgitatio, crapula assidua, à quibus pituita, & humoris melancholici vbertas primaria originis causa; Nec enim à bile, flatu, nuda intemperie ortum ducit. Contingit autem ab anno quadragesimo in sexagesimum, cuiuslibet ætatis & temperamenti helluonibus, iis præsertim qui breui & crassa sunt ceruice.

PRÆCVRUNT hoc malum, repentinus capitis & acutus dolor, dentium inter dormiendum stridor, incubus frequens, aurium tinnitus, sensuum hebetudo, iugularium distentio, vertigo, extremarum partium sine causa perfrigeratio, corporis grauitas, piger motus, vrina pauca cum sedimento farinæ crassiori simili. Comitantur signa tum communia cum epilepsia quidem *κατάπνοσις*, spuma in ore plurima: cum soporosis affectibus stertor, somnus ætior: tum propria, sensus & motus priuatio; Dyspnæa, ob imbecillitatem, thoracis musculis in motus auxilium concurrentibus, ipsa sæpe respiratione sensum fugiente vt & pulsu.

AFFECTIONIS vero magnitudo ex noxæ respirationi illatæ vehementia dignoscitur, vnde apoplexiam fortem solucre impossibile, debilem difficile, atque hæc intra septimum ad summum diem iugulat, nisi vel febris superuenerit (quæ idcirco vtiliter à medico potest excitari), vel opportune adhibita fuerint remedia: ferèque accidit, vt qui eius periculum effugerint, mente capti postmodum aut obliuiosi in vitæ reliquum reddantur, at humore in alteram spinæ partem decumbente in paraplegiam incidunt.

CURATIO in eo totus est, vt causæ antecedenti & coniunctæ summouendæ sedula impendatur opera, deriuatione, reuulsione, vacuatione, quem in scopum conferunt ænemata acrius vellicantia, quæ vomitum vehementer cient, extremorum vincula, frictio dolorifica, à cucurbitula scarificatus, iugularis secta, ptarmica, diaforeticis capitis fectus, litus, apophlegmatismi, pyroticum, & quamuis humoris irruentis & sedis laborantis causæ, valida catharsis perneccessaria, præferenda tamen phlebotomia, quod nihil æque cito præfocanti dyspnæa opituletur, obstructos ventriculos cerebri expediat, liberum spirituum vltro citroque comæatum reddat, sensum & motum, atque adeo mentem restituat. Sed vt inuenibus securius hæc præstanda, ita senibus magna cum cautione & cura, sunt administranda.

Ergo apoplexia senex quam iuuenis opportunior.

Asserebat Lutetiæ HENRICVS BLACVOD Parisinus. Anno salutis 1609.

DOMINI DOCTORES DISPUTAVRI.

M. Ioannes Biard.
M. Ioannes Gorreus
M. Renatus Chartier.

M. Franciscus Placet.
M. Andreas Duchemin.
M. Simon LeTellier M. R.

M. Simon Bazin.
M. Nicolaus Pietre.
M. Iacobus Cousnot.

